



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Edicti indictionis Synodi Formula III.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

95 **L'INDULGENZE**. Indulgentiæ, quæ evulgantur, sæpè contingit, quod non sint veræ, vel expiratæ, revocatæ, vel subreptitiæ, extortæ, aut demum Sodalitatibus non legitimè erectis, neque canonicè aggregatis concessæ reperiantur; Propterea Episcopus debet in Visitatione illas recognoscere, erroresque, & abusus, si quos inveniat apud rudes, depellere: Necnon inquirere an occasione publicationis Indulgentiarum fiant quæstus illiciti; ne quæ sanctè fidelibus dispensanda sunt, prava aliqua corruptela inficiantur, ut monet *Sac. Conc. Trid. in Decreto de Indulgentiis*.

96 **I LIBRI DELL' ENTRATE**. Quod Episcopus non solum in actu Visitationis, sed alio quocumque tempore cogere possit Administratores quoscumque ad exhibendum libros, jam dixi in tit. 1. *Adnot. ad formula 14.*

97 **ESTRAJUDICIALE, E PATERNALE**. Hæc clausula apponitur ad ostendendum, & declarandum, quod Episcopus non jubet, neque præcipit sub Censura, aliavè pœna, ut revelentur secreta delicta, quia hoc facere non potest in Edictis præparatoriis ad Visitationem, prout prohibent Decreta relata à Barbol. in *Sum. decis. Apostol. verb. Visitatio num. 4. & 5.* Sed hortatur in Domino, ut velint Christiana Charitate ducti, pericula animarum ipsi patefacere, ad hoc ut paternaliter possit providere per viam fori pœnitentialis potius, quàm contentiosi, ut monet *Piasec. prax. Episc. p. 2. cap. 3. art. 8. n. 8. tit. de Visit. quorumcumque exempt.*

98 Et hinc est, quod in Visitatione non debet inquiri in specie super delictis Rectoris, sive Parochi, sed tantum de statu generali Ecclesiæ, nulla servata forma judicii, neque ullo juramento delato examinandis, ad formam *cap. Romana S. Sanè de Cons. in 6.* & prout mandat Decretum *Sac. Cong. Concil. per extensum* relatum à *Piasec. loc. cit. num. 6.* Quia puniendi finis in Visitatione non intenditur, sed corrigendi, & salutare pœnitentias injungendi.

99 Præterea curet Episcopus, quod Secretarius, sive Cancellarius Visitatio-

nis omnia referat in scriptis; quia libri, in quibus adnotantur provisiones, mandata, & Decreta Visitationis, plenè probant, ut firmant *Rot. coram Dunoz. Jun. decis. 61. n. 6. Panimol. dec. 10. num. 12.* & alii plena manu congesti à Romaguer. ad *Synod. Gerund. lib. 1. tit. 1. cap. 6. n. 6.* Non tamen probant juspatronatus, ut dicit *Januen. prax. cap. 63. num. 18.*

Edictis Indictionis Synodi.

FORMULA III.

SUMMARIUM.

- 1 Episcopi in tertio Præsulatus anno congruenter deberent Synodum congregare.
- 2 Synodus non est vocanda, nisi prius expleta fuerit Visitatio generalis Diœcesis.
- 3 Synodo interesse debent Presbyteri, & Clerici.
- 4 Superiores Regulares parvorum Conventuum subjectorum Ordinario tenentur interesse Synodo.
- 5 Capitulum Cathedralis debet nominatim ad Synodum invitari.
Episcopus in convocatione Synodi non tenetur consilium Capituli requirere, nec in aliis actibus præparatoriis; ibid.
- 6 Laici ad Synodum possunt invitari, si Episcopo videatur.
- 7 Synodus potest congregari etiam extra Ecclesiam.
- 8 Qui tenentur Synodo interesse, debent personaliter accedere non per substitutos, nisi essent exempti, qui ratione Ecclesiæ Curatæ satisfaciunt mittendo Curatos, seu Cappellanos, per quos Cura exercetur.
- 9 Episcopus debet in publicatione Decretorum Synodi, Capituli consilium exquirere, licet sequi non teneatur, aliàs nulliter agit.
- 10 Quomodo sit requirendus consensus Capituli.
- 11 Requisitio consilii Capituli facta per Edictum sufficit ad sustinendum validitatem Synodi, & n. 12.

- 13 Capitulo recusante, vel protestante contra Synodum Episcopus, protestationibus non obstantibus, procedit ad ulteriora.
- 14 Requisitio consilii Capituli debet fieri Capitulariter.
- 15 Judices, & Examinatores Synodales, debent esse Viri timentes Deum.
- 16 Examinatores Synodales debent nomine, & agnomine proponi, & à Synodo approbari.
- 17 Formula traditur electionis eorumdem, & num. 18.
- 19 Examinatores Synodales electi in prima Synodo, debent iterum in secunda approbari, non per relationem, sed nominatim.
- 20 Examinatores Synodales exercent officium, donec nova Synodus celebretur, & num. 21.
- 22 Episcopus in Synodo debet evitare multitudinem præceptorum per Censurate sententiæ. Et novitates, & n. 23. 24. & 25.
- 26 Decreta Synodi non sunt evulganda materna lingua.
- 27 Ignorantia Constitutionum Synodaliū non potest allegari in loco, ubi jam fuerunt publicatæ.
- Constitutio Synodalis, quando habeat vim monitionis, ibid.

N. Dei, & Apostolicæ Sedis gratia Episcopus N.

Synodum Diocesanam, Præfulatus nostri tertio recurrente anno, Deo adjuvante, habituri, ut Sanctorum Patrum instituta, ac Conc. Trid. præcepta neque pereat fructus, quem ex præcedenti generali Diœcesis Visitatione, Divina opitulante misericordia, percepimus, monemus in Domino, ac pœna Sacrorum Canonum, seu aliis ad arbitrium nostrum propositis jubemus in virtute sanctæ obedientiæ, omnes, & singulos, qui in Civitate, & Diœcesi nostra Beneficia etiam simplicia, ac cujusvis generis, vel titulo obtinent, eos item, qui Sacris Ordinibus initiati sunt, omnes etiam, qui minoribus Ordinibus sunt constituti, Regulares, qui Curam exercent Animarum, vel aliàs nostræ jurisdictioni delegatæ vigore Concilii, & Apostolicorum Decretorum subjiciuntur; Capitulum autem nostrum peramanter invitamus, & alia Collegiatarum Ecclesiarum Capitula vocamus, & alios quoscumque, qui de jure, vel consuetudine Synodo hujus Diœcesis interesse debent, die ... mensis ... quæ erit ... in nostram Cathedralē de mane convenire, neque verò pro se alios mittere, nisi qui legitima causa sint impediti, quam Nobis probaverint, ut ope Dei, atque auxilio, communi studio, & consilio à Nobis ea statuantur, quæ ad Animarum salutem, Clerique disciplinam, & Divini Cultus incrementum, totiusque Diœcesis reformationem, & regimen pro temporum ratione pertinent. Volumus autem, ut hæc Synodi indictio affixa valvis Ecclesiæ Cathedralis, necnon Parochialium Diœcesis, omnes afficiat, ac si fuisset singulis intimata. Datum &c.

N. Episcopus N.

Loco ✠ Sigilli.

N. Cancellarius Episcopalis.

Præmonitiones ad Clerum.

1 Accedant omnes cum Vestibus stalaribus, decenti Tonsura, Biretis, & Superpelliceis mundis, & Dignitates, Canonici, Archipresbyteri, & Parochi cum eorum Insignibus.

2. Qui

2. Qui in Visitatione non exhibuerunt Bullas suorum Beneficiorum, afferant ad Synodum.

3. Qui sine titulo inserviunt Ecclesiis, sive Curati sint, sive Cappellani, & ii præfertim, qui confessiones audiunt, litteras afferant suæ deputationis, & facultatis.

4. Parochi deferant statum Animarum, & notulam eorum, qui in peccato publico vivunt, & perseverant, prout sunt concubinarij, usurarij, blasphemij, malefici, & qui in Paschate Sacra Communione non refecti sunt.

5. Omnes Beneficiati, & Ecclesiarum Rectores, quatenus adhuc non exhibuerint, deferant copiam authenticam Inventarii omnium bonorum Ecclesiæ, sive Beneficii, ac Sacrarum Suppellectilium.

6. Die Dominica, quæ proximè Synodum præcedit, Parochi, qui Coadjutorem non habent, visitent infirmos, etiam non requisiti, & eos commendent vicinis Sacerdotibus, seu Regularibus, ne durante Synodo eorum mora fiat periculi occasio; ubi verò non sunt alij Sacerdotes, consulant nos quamprimum, ut provideamus.

7. Ad Tabernas, seu Cauponas non divertant, Nobis inconsultis, aut Hospitiorum Præfecto, neque ad Laicorum ædes, nisi propinquorum, sed in Hospitijs à Nobis deputatis cibum sumant, & pernoctent.

8. Parochi moneant populos suos, ut pijs precibus uberem fructum à Deo impetrent, & die Dominica Synodum proximè antecedenti ad hunc effectum ritè confessi communicent; idemque præstabunt Clerici, qui ad Synodum venient in Missa Synodali.

9. Eadem autem die Dominica Synodum præcedente singuli Parochi in suis Ecclesijs Sanctissimum Sacramentum per aliquas horas ad Ostiolum Tabernaculi decenter in Pixide retentum exponant, ut ita publicis precibus ad hanc actionem obeundam adjuvemur.

10. In feriis quintis duplici non impeditis ante Synodum, à die qua has præmonitiones receperint, Missas de Spiritu S. celebrent, vel Collectam dicant, & in festis diebus Litanias SS. ante Missam Parochialem cum populo recitabunt.

11. Vicarii Foranei accedant ad Nos die . . . cum notulis eorum, qui in suo Vicariatu interesse Synodo debent.

Præmonitiones supradictæ, quas uberius ex Actibus Ecclesiæ Mediolanensis deprompsit *Gavant. in manual. Episcop.* non sunt omnibus Synodis, & Diocesis communes, sed juxta latitudinem, exiguitatem, commoditatem, & laudabiles consuetudines locorum ad placitum Episcoporum, ampliantur, rescantur, vel etiam (rarò tamen) omittuntur.

ADNOTATIONES.

1. **T**ERTIO RECURRENTE ANNO. Supponitur in hac clausula, quod Episcopus in primo, & secundo anno sui gubernij, occupatus fuerit in Visitatione generali Diocesis, & in tertio Synodi convocationem facit, quamvis enim *Conc. Trid. sess. 24. cap. 2.* quotannis Synodum Diocesanam celebrari mandet, nihilominus hoc Decretum à paucis servatur, pœnaque à jure *in cap. sicut olim*

de accus. communitata communiter spernitur: Et sicuti Synodorum Provincialium convocatio singulo saltem triennio, ad formam ejusdem Decreti habenda, nimirum hodiè rara est, ut penè ab aula recessisse videatur, ità Diocesanorum frequentia paulatim recedit, cum plures sint Episcopi (non tamen laudandi) qui vel tantum unam, vel nullam Synodum toto tempore Præsulatus convocare, & publicare contenti esse soleant.

2. EX

2 **EX PRÆCEDENTI VISITATIONE**. Visitatio totius Diœcesis antequam Synodus convocetur, videtur necessaria, ut probè remedia malis praviſque conſuetudinibus, & corruptelis, quæ in illa ſunt, poſſint applicari ut obſervant Pac. Jord. *lucubr. tom. 2. lib. 8. tit. 2. n. 9.* Chriſpin. *de Viſit. part. 3. §. 18. n. 4.*

3 **QUI IN MINORIBUS**. Quando agitur de morum reformatione, prout contingit in Synodo, vel de alia re, quæ Clerum univerſum tangit, omnes Presbyteri, & Clerici intereſſe debent, ut declaravit *Sacr. Congr. Concil. in Eugubina 13. Auguſti 1650.* penes Chriſpin. *de Viſit. d. part. 3. §. 18. d. n. 4.*

4 **ET APOSTOLICORUM DECRETORUM**. Abbates Regulares, Priores, Guardiani, aliivè Superiores parvorum Conventuum, qui vigore Decreti Innocent. X. Ut in parvis, ſubjiciuntur juridiſtioni Ordinarii, tenentur accedere ad Synodum, quando ab Epifcopo tamquam Sedis Apoſtolicæ Delegato vocantur, prout declaravit Alexander VII. ſuo Decreto emanato 30. Martii 1661. quod refert per extenſum Fagnan. *in cap. Quando num. 64. de offic. Ordin.*

5 **CAPITULUM NOSTRUM INVITAMUS**. Capitulum Cathedralis debet perneceſſe expreſſè in ſpecie, & nominatim ad Synodum invitari, juxta diſpoſitionem Text. *in cap. Ultimo de his, quæ ſunt à Prælat. Fagnan. in cap. Grave n. 11. & 15. de probat.* Non tamen illius conſilium eſt requirendum in convocazione, quam Epifcopus ſicuti cætera præparatoria ſua ſola auctoritate facere poteſt, prout declaravit *Sacr. Congr. Concilii in Oriolen. 27. Martii 1631.* apud Barboſ. *in Sum. deciſ. Apoſtol. collect. 124. n. 22. & in Fulginaten. 26. Februarii 1639.* apud Nicol. *lucubr. Can. lib. 5. tit. 6. de Judæis num. 6. & nuper in Hiſpalen. Viſitationis 18. Auguſti 1695.* & eſt contra Piaſec. *prax. Epifc. part. 2. cap. 2. art. 1. n. 4. tit. de modo convocan. Synod.*

6 **QUI DE JURE**. Laici, quamvis ſit in facultate Epifcopi eos invitare, non tamen poſſunt de jure prætereſtere, quod teneatur, ut reſpondit *Sacr. Con-*

greg. Concilii in Lycten. Synodi 10. Januarii, & 10. Aprilis 1688. in reſponſione ad primum, & Sac. Congr. Rituum in Urbinate. 23. Januarii 1700. in reſponſione ad ſeptimum.

7 **IN NOSTRAM CATHEDRALEM**. Non exigitur de neceſſitate, quod Synodus celebretur in Eccleſia, quia ex aliqua rationabili, & honeſta cauſa poterit Epifcopus illam facere, & congregare, etiam extra Eccleſiam, quia nulla lex id prohibet, Bott. *de Synod. part. 1. qu. 9. n. 56.* Maſlobr. *Cod. tract. cap. 2. dub. 9.* Barboſ. *de offic. & pot. Epifc. alleg. 93. n. 4. verſ. Edictum.*

8 **NE QUE PRO SE ALIOS MITTERE**. Impedimento ceſſante comparere debent in Synodo ipſimet obligati, alioquin maxima pars fructus Synodalis actionis amitteretur, ſi per ſubſtitutos poſſent hi vices ſupplere, ut bene obſervat Pac. Jord. *lucubr. tom. 2. lib. 8. tit. 2. n. 77.* Niſi tamen eſſent exempti, qui ratione Eccleſiarum ſubjectarum Epifcopo, ad Synodum accedere tenerentur. Quia hi mittendo Cappellanos, vel eos, per quos Curam gerunt earundem Eccleſiarum, ſatisfacerent, ut cenſuit *Sacr. Congregat. Conc. in Laudan. prima Decembr. 1691. in reſponſione ad octavum.*

9 **COMMUNI STUDIO, ET CONSI-LIO**. Epifcopus prudens antequam Decreta Synodi promulget, debet priùs in privatis congreſſibus à Viris doctrina, prudentia, & pietate præſtantibus, & deinde ex obligatione à Capitulo collegialiter coadunato conſilium exquirere: Licet ſolus poteſtatem legiſlativam ſtatuerendi habeat, & Conſilium Capituli ſequi non teneatur, Barb. *ſupra Concil. 24. c. 2. n. 29.* *Sacr. Congr. Concil. in Hiſpalen. Synodi 26. Novemb. 1689.* & eſt propoſitio, quæ non habet hodiè oppoſitorem.

10 Et quia Capituli conſilium de forma requiritur, adeo ſi non adhibeatur Epifcopus nulliter agat, ut non ſemel *Sacr. Cong. Conc. & præſertim in S. Marci Synod. 10. Maii 1666. & in Boven. Synodi 17. Febru. 1680.* & communiter tenent Ciarlin. *contr. c. 61. n. 11.* Rot. *in Barbaſtren. Juridiſtictionis*, quam refert per extenſum Pignat. *conſult. 180. n. 14. tom. 1. ideo-*

Ideoque Episcopus curet, quod in Registro Actorum Synodi de prædicta requisitione appareat, ad evitandos recursus, qui frequenter in Sac. Congregatione audiuntur adversus hunc defectum. Et cum alibi formulam hanc requisitionis consilii Capituli facile non invenias, sequenti modo concipi poterit.

Die . . . Mensis . . . Anno . . .

Convocato coram Illustriss. & Reverendiss. D. N. Episcopo in Mansionibus Palatii Episcopalis hujus Civitatis N. Capitulo Cathedralis, nempe N. & N. N. & N. Dignitatibus, & Canonicis majorem partem Capituli constituentibus, ibique capitulariter congregatis, fuerunt per me infra scriptum de mandato ejusdem D. N. Episcopi intelligibili voce lecta Decreta, & Ordinationes, quæ evulgari, & publicari debent in proxima futura Synodo habenda die . . . super quibus expleta lectura, idem D. N. Episcopus consilium eorumdem DD. Dignitatum, & Canonicorum sic capitulariter congregatorum requisivit, qua per eos requisitione audita, propositum, & determinationem d. D. N. Episcopi de Synodo agenda, & Decreta per me ut supra ipsis præsentibus, & audientibus lecta in ea publicandi, laudaverunt, & approbarunt. In quorum &c. præsentibus N. N. testibus &c. Datum &c.

Ita est N. Cancellarius Episcopalis.

11 Quatenus autem Canonici, & Dignitates nollent, aut negligenter coram Episcopo die ipsis intimata congregari, tunc potest Episcopus per Edictum in loco Capituli, aut ad Valvas Sacristiæ, aut Ecclesiæ Cathedralis illos monere pro convocatione certa die, & hora, in qua ipse interesse intendit pro exquirendo eorum consilio super Synodo habenda die . . . aliàs si renuant congregari, protestetur in eodem Edicto, quod habeantur pro requisitis, & se ad ulteriora in actionibus Synodalibus processurum.

12 Etenim requisitio facta per Edictum (quo Episcopus uti non debet, nisi in subsidium, & in casum contumaciæ Capituli) erit sufficiens ad sustinendam validitatem Synodi, prout censuit *Sacr.*

Congr. Concilii in Ostunen. Synodi 15. Decembris 1696.

13 Si verò Canonici, & Dignitates capitulariter congregati (vel eorum aliqui) requisiti nollent desiderio, & propositioni Episcopi favere, sed potius contradicerent, & protestarentur, aut appellationem, & recursum peterent, ac de facto interponerent. Debent illorum protestationes, & oppositiones recipi, & per Cancellarium, sive Secretarium Synodi sine perturbatione in Actis registrari, & admitti, quia actus, & protestationes hujusmodi Synodum non retardant, & poterit Episcopus illis non obstantibus, liberè eam prosequi, & publicare, cum teneatur tantummodo consilium petere, non tamen sequi, ut communiter tradunt Gavant. *in prax. Dioces. Synod. part. 3. c. 2. n. 1.* Barbof. *de potest. Episc. alleg. 93. sub n. 30. vers. verum.* Antonell. *de tempor. legal. lib. 2. cap. 57. n. 19. Sacr. Congr. Concil. in d. Hispalen. Synod. 26. Novemb. 1689. in responsione ad secundum.*

14 Præterea advertat Episcopus, quod dicta requisitio fiat, ut diximus, Capitulo congregato, non autem Canonicis particulariter, Syndico, aut Procuratori, aliàs inutiliter peteret, ut docent Rota coram Verallo *part. 1. decis. 305. n. 3.* Pac. Jord. *lucubr. tom. 2. lib. 8. tit. 1. de Constit. n. 19.* Gavant. *in prax. Synod. tit. de consic. decr. cap. 6. num. 8.* Card. de Luc. *de jurisd. disc. 56. n. 4. & 6.*

15 PRO TEMPORUM RATIONE PERTINENT. Ad regimen pro temporum ratione pertinet, quod in Synodo eligantur de Clero Viri potentes, & timentes Deum, in quibus sit veritas, & qui oderint avaritiam, juxta consilium Jethri datum Moyfi *Exod. c. 18.* ut sint Judices, aut Examinatores Synodales, ad præscriptum *Concil. sess. 24. cap. 18. de Reform.*

16 Horum autem electio fieri oportet nomine, & cognomine, non verò titulo Officii, seu Dignitatis tantum expresso; & Clero, Synodoque congregato, nominatim, non autem in genere proponendi sunt, ut ab eodem approbentur, aliàs illorum deputatio nulla esset, per ea, quæ tradunt Garz. *de Benefic. part. 9. cap. 2. n. 337. & 339.* Barbof. *de*

de offic. Episc. allegat. 60. post num. 47. & supra Concil. d. sess. 24. de Refor. cap. 18. n. 84. Pac. Jord. lucubr. tom. 2. lib. 10. tit. 8. n. 152. Nicol. in flosc. verb. Synodus n. 3. Ventrigl. prax. part. 2. adnot. 5. §. 1. num. 34. & 35. Sac. Congr. Concil. in Syontina Concursus 14. Februar. 1693.

17. Quamobrem ad tollendam occasionem concurrentibus ad Parochiales vacantes dubitandi, & excitandi lites (pro ut non semel accidit) super nullitate examinis concursus peracti coram Examinatoribus malè in Synodo deputatis, curæ erit Episcopo, ut eorum electio canonicè fiat; quam ibidem Congregatis sic faciendam proponet.

18. Cum ex Concil. Trid. sess. 24. cap. 18. pro Ecclesiis Parochialibus vacantibus in Diocesana Synodo ab Episcopo ad minus sex viri, qui sint Magistri, seu Doctores, aut Licentiati in Theologia, vel jure Canonico, ex Clero seculari, vel Regulari proponi debeant, ut ab eodem Synodo probentur. Nos Tridentinum Decretum exequi volentes pro Diocesis nostræ amplitudine delegimus, & vobis proponimus infrascriptos RR. Viros, quorum officium duret, & munus hoc Examinatorum Synodali gerant, donec altera Synodus habeatur, videlicet.

Rev. D. Paulus Fuschus J. U. D. Prothonotarius Apostolicus, Cathedralis Ecclesiæ Archidiaconus.

Rev. D. Joseph Allegrinus J. V. D. Canonicus Theologus Cathedralis.

Rev. P. Theologiæ Professor, & Magister Dominicus Sanctorius Ordin. Prædicat.

Rev. P. Theologiæ Professor, & Magister Vincentius Jacomettus Prior Convent. S. Lucæ Ordin. Eremit. S. Augustini.

Rev. D. J. U. D. Petrus Vignatus Parochus Ecclesiæ S. N.

Rev. D. J. U. D. Benedictus Antonius Prior Ecclesiæ S. N.

Rev. D. &c.

Quibus nominibus per ipsummet Episcopum, vel Synodi Secretarium intelligibili voce recitatis (si nolit, ut per secreta suffragia approbentur, quod demandare potest, sed per aperta) dicat -- *Placent ne vobis*, & si responsum fuerit --

Placent, adnotari faciat responsum, quia tunc canonica erit electio.

19. Hæc praxis necessariò pro validitate electionis servanda est, quia cum Examinatores non ab Episcopo tantùm, sed etiam à Synodo debeant approbari, de hac approbatione debet legitime constare, non solum in prima Examinatorum electione, sed etiam in eorundem confirmatione; nam coelectores, & approbantes non sunt semper eadem personæ, & per consequens tam in prima Synodo, quàm in secunda, & tertia, Examinatores nominati sunt approbandi, & non per relationem ad primam Synodum (pro ut non pauci falluntur) & docet Gavant. prax. Dioces. Synod. part. 1. cap. 3. post num. 4. in addit. cum aliis mox supra laudatis.

20. Quo verò ad illorum durationem, Gavant. in Manual. Episc. tit. de Synod. cap. 31. in adnot. §. 8. quem sequitur Pac. Jord. tom. 2. lib. 8. tit. 2. n. 108. pro cauthela, & ad removendam difficultatem, quæ oritur ex ventre Concilii mandantis in Synodo quotannis eos deputari debere, & ne ex hoc illorum facultas dicatur expirasse transacto anno, si altera Synodus non fiat, docet in electione Examinatorum apponendam esse clausulam. *Et munus gerant, donec altera Synodus habeatur*, per quam officium etiam post annum, & usque ad aliam Synodum perdurabit.

21. Verùm cum de hoc actum fuisset in Sac. Congreg. Concilii in una Imolen. 10. Decembr. 1695. in qua proponebatur Dubium -- *Ad Examinatores Synodales deputati per Episcopum in Synodo anni 1693. donec ex eisdem sex superstites fuerint, & nova Synodus celebretur, exercere possint: Sive potius alii sex deputandi ex indulto Sacræ Congregationis per Superintendentem obtento?* responsum fuit -- *Affirmativè quoad primam partem.* Et sic vides, quod, si in electione Examinatorum cauthela Gavantis non adhibeatur, adhuc ex oraculo Sacræ Congregationis, officium exercere poterunt usque ad novam Synodum.

22. Ad bonum regimen quoque conducit animadversio, quod Episcopus in

Sy-

Synodo à tribus extremis caveat. Primò à multitudine præceptorum, & Decretorum, præsertim, quæ juri communi, & Pontificiis Constitutionibus minùs consonant. Secundò à censuris præcipuè latae Sententiæ. Tertiò à novitatibus.

23. Et quoad primum extremum debet abstinere, quia lex debet esse honesta, justa, necessaria, & utilis, & non de singulis est facienda, neque superfluum patitur, sed tantùm necessitate, vel utilitate urgente constituitur, ut habetur *in c. Erit autem dist. 4.* ibique Canonistæ communiter, Fagnan. *in cap. Sicut olim num. 80. de accusat.* & congruit Divini oraculi effatum, *Prov. 22. Ne transgrediaris terminos antiquos quos posuerunt Patres tui.*

24. Vitandum est secundum, ne ex frequentia Censuræ vilescant, & contemnantur, ut monet Piafec. *prax. Episcop. p. 2. cap. 2. art. 2. post n. 11. vers. Illa autem;* Et ne hujusmodi pœnæ (ut sæpè evenit) potiùs sint in laqueum animarum, quàm in utilitatem, ut advertit Rot. *decis. 757. n. 2. part. 2. recent.* quam refert, & sequitur Tondut. *quest. Benef. tom. 1. part. 1. cap. 11. num. 2.*

25. Abstinendum demùm à novitatibus, quia ut plurimum discordiam inducunt, & ubi magna necessitas non urgeat, semper sunt vitandæ, sic monent Host. & Abb. *in cap. Cum consuetudinis n. 1. de consuetud.* & advertit etiam in theorica, & dignitate eminens Cardin. de Luc. *de præminen. disc. 39. num. 3. & in Miscellan. disc. item 39. num.* Huicque malo

convenit adagium, Aut bibat, aut abeat.

26. Et tandem rationi congruit, quod Decreta Synodi non publicentur materna lingua, quia decori, & gravitati rei minime respondent, sed latina, & stylo Ecclesiastico, congruoque ordine disposita, prout Episcopos commonendo consulunt Pac. Jord. *tom. 2. lib. 8. tit. 2. de Synod. Diœces. num. 83.* & Fagnan. *in cap. Sicut olim num. 93. de accusat.*

27. Et nota, quod ignorantia Constitutionum Synodaliū non est allegabilis quando in loco fuerunt publicatæ, Tusch. *lit. I. conclus. 20. num. 22.* Et quod Constitutio Synodalis, quæ disponit, quod, si Executores piarum dispositionum, vel alii debentes eligere, seu declarare, sint negligentes in exequendo infra annum, executio devolvatur ad Episcopum, habet vim monitionis Tusch. *lit. E. conclus. 251. num. 10. & conclus. 293. num. 19.*

Alia ejusdem Indictionis.

FORMULA IV.

SUMMARIUM.

1 Solus Episcopus statuta condit, aded ut si major pars congregatorum in Synodo Decretis contradiceret non possent publicationem retardare.

N. Episcopus. N.

IN suscepti à Nobis Episcopatus primordiis, Gregem Curæ nostræ Divina dispositione commissum, personaliter visitare, & universam Diœcesim per-lustrare nequaquam distulimus, & quidem omnium, per quæ illa difunditur, loeorum conditionem, Ecclesiasticorum disciplinam, necnon populorum mores dignoscentes ea, quæ reparatione, aut reformatione indigebant, pro viribus restaurare curavimus. Ut igitur, quæ Cultui Divino, Christianæque pietati consona sunt, *validiùs consolidentur*, Diœcesanam Synodum celebrare decrevimus. Universis proindè, ac singulis, qui tam in Civitate, quàm cæteris Diœcesis nostræ locis, quibuscumque Ecclesiasticis, Beneficia etiam sine Cura potiuntur, Presbyteris, ac Clericis tam in sacris, quàm in minoribus Ordinibus constitutis: aliisque omnibus adhuc Regularibus, qui de jure, vel de consuetudine tenentur adesse, in virtute sanctæ obedientiæ, necnon sub pœnis per Sac.